

MA KOLOSESE

Ɔko Gɔ I Paulo Ɖtsere Ɖtã Ma Kolosese

¹ Ɖko gɔgbe ɔbɔre i mme Paulo gɔ iki i Ƴaa kuɔɔe ame loba loakpese Kristo Yesu katɔmesedze gu Sostene kɔre. ² Boto botsere botã bo manyii ma nde Ƴaa maturi fie maɔe manukuarese fie ana ne, maɔe Kristo mare i Kolose. Ƴaa gɔ nde bo Ɖse si ɔtã mi abualera gu isobue.

Paulo Ɖpe Ƴaa Siba I Ma Kolosese Iti.

³ Bose bɔpe Ƴaa gɔ nde Bosate Yesu Kristo Ɖse siba ɔwi biara si boto bokparama kayi i mi iti ⁴ Alaso bonɔ sɔ mifo Kristo Yesu miɔe fie mise miɔe mafɔɔedze ɔɔɔɔ ana kukaako. ⁵ Maledza nne mito minyɔ ɔri mase mi i kato. Minɔ ɔriinyɔ itɔme negbe koko ku ɔwi gɔ mayere mi ɔnukuare itɔme ne nde Itɔme Bielea. ⁶ Itɔme Bielea negbe togu imɔ, iɔɔ abi i kayiiso ɔɔɔɔ le kumegɔ ito ise katɔ i mi nde ita i ɔwi gɔ minɔ kumegɔ i Ƴaa ɔnyɔ mi nnya fie minɔ ne karɔ kukaako. ⁷ Bo ɔnyii ɔɔese Epafra nde ngo lote mi ara wagbe. Ɖɔe bo rabaradze laa gɔ lobara Kristo karabara i ɔnukuare ame i bo kanya. ⁸ Ɖ loba ɔayere bo kuɔɔe gɔ i Ƴaa Siwarã ɔsu sipia i mi ame ne.

⁹ Ne ɔso ita i iyi ne bonɔ mi iso itɔme ne, bɔse bokparama kayi ɔwi biara i mi iti. Bose botã Ƴaa iti sɔ ɔtã mitsue ɔ kuɔɔe, ɔtã mi iwola

oḍuḍu gu ara karõ ino ne lobore i õ Siwarã ame. ¹⁰ Nnegbe loatã so miawo ngbã me loabo Bosate ano ose fie miabara nne ose oḍe ne. Iyo i mi ngbã oḍuḍu ame ne, ara see kotoo ka miabara fie miatsue Yaa ana mibua. ¹¹ Loto Yaa i kukpa so otã mi ole oḍuḍu go lobore i õ ole siare ame so miawo oya teteree i ira biara kanya ku iḡaraso gu isoxo ame. ¹² Mipe bo Ose siba, ngo lobara mi so mikote so miana kaḍekõ ga ose õ maturi i õ ikpawai sigarakaḍekõ ame. ¹³ Oḍi bo oboregu i Obosam ole go nde idududu ame obo õ Obi ḍese sigarakaḍekõ ame. ¹⁴ O Obi gogbe ame bona idi fie bona akpi kasukatse.

Boye Kristo Nsegbai Gu O Karabara.

¹⁵ Kristo nde Yaa go boise bonya kumiamia. O nde Yaa Obirereĩ deakatõ go nto oḍe Yaa kurabarara oḍuḍu iso. ¹⁶ Alaso õ iso i Yaa oki fie obara ira biara i kato gu karõ, nwa mase manya gu nwa maise manya, siwarã ame sile, makose gu mma nto maḍe iso. Yaa obara ara oḍuḍu okigu i õ iso fie õ ide obara wã otã. ¹⁷ Kristo ka opia fie Yaa obara ira biara, fie õ iso iki fie ibiara se i ne ori iso. ¹⁸ O nde mafodetde ikuri ne nde õ kuturidziri iti. O ame i mafodetde ngbã obore. O nde Obirereĩ deakatõ go lota obore i makpise ame so oafõ kasekõ deakatõ i ira biara ame. ¹⁹ Alaso Yaa kuḍe kuḍe so õ Obi ame maanya õ kumiamia oḍuḍu makigu. ²⁰ Fie iki i õ Obi iso ne, Yaa ofere kanya ndu ku kayiiso oḍuḍu. Iki i õ Obi ima ne ofere i karõ iso ame ne, Yaa okpesera ara wa mpia i kato gu karõ oḍuḍu obo so i kore so isobue ka ipia i õ gu ma ndẽ.

21 Ōwi gɔ lofe ame ne, mikora kama mitã Ƴaa fie miɖe ɔ̃ matsirise ala mi ara lalaa wa mise misusu gu nwa mise mibara ɔso. 22 Ƴee kinio iki i ɔ̃ Ōbi kukpi ɔso ne, Ƴaa ɔɔboregu mi ɔɔso i kɔre, ɔbara mi sekelee, miyi sɔ iɣere kuiwẽ na mi iso i ɔ̃ katõ. 23 Ikote sɔ miamõẽ nne mifɔ miɖe mila. Miya teteree si mire siɖu. Mi adzuni si asia i oriinyɔ ne i Itõme Bielea ɔsu ibɔ mi iso, ala Itõme Bielea negbe imomo mapɛ matã kayiiso ɔɖuɖu fie mme Paulo ana ne, loɔba loakpese ne ɔɖabo.

Paulo Ɔbara Karabara Le Mafɔɖedze Ɔɖabo.

24 Kinio ne, iba me ɔmerẽ sɔ lowe inye i mi iti. Loto lowe inye i wũ siturina ame sɔ si losu lowiri inyewe ne i Kristo ɔse me i mafɔɖedze ikuri kanya. 25 Ƴaa lobara me sɔ loade mafɔɖedze ɔɖabo si loape ɔ̃ itõme imomo fie miatsue ɔ̃ itõme iyi pɔpɔpɔ. 26 Itõme negbe de itõme ne lowere ta maturi ɔwi, ɣee kinio ne, Ƴaa ɔɔɖi ɔte mma lofɔ wũ made. 27 Ƴaa ɔɔɔe sɔ ɔ̃adɖi itõme wɛrea ne lofɔ kuɣa ngbe fie iba kuware ɔtã kayiiso ɔɖuɖu. Itõme wɛrea negbe nde sɔ, Kristo gɔ mpia i mi ame ne, ɔ̃ nde ɔ̃riinyɔ ikpawaĩ siare ne nse isia mi ne. 28 Ne ɔso boto boɣere ɔbiara Kristo iso itõme ne. Ku iwola biara ne boba ne, bose boka ma, bote ma ara sɔ si boakɔ ma bobɔ Ƴaa anɔ le maturi ma loomɔ fie made mawẽ ku Kristo. 29 Si loawo nnegbe ɔbara ɔso ne, lose lokpẽ, losu ɔle siare gɔ ɔɖuɖu i Kristo ɔtã me fie ɔto ɔbara karabara i wũ ame.

2

¹ Nto lobie sɔ mitsue kumegɔ loɔkpɛ teteree i mi gu mma mpia i Laodikea gu matsɔra ma ɔduɔu loinya me manya kɔra iti. ² Nto loɣe nnegbe si maana katetere fie maabara mawɛ gu ma malaa i kudɔe ame. Inyaare ne, si ma ara karɔ inɔ aayi fie maatsue Ƴaa ira wɛɛa nɛ nde Kristo. Karana siare gbaã kaɔe ngbe. ³ Kristo ame i Ƴaa ɔsu karana siare ɔduɔu ga nde inɔgba gu iwola ngbe ɔkola. ⁴ Nto loɣere mi sɔ midaatã kuwɛ si ɔsu ɔnyamerɛ ɔkpadzɛgu mi atɔme ɔsɔsɔla mi. ⁵ Atoa sɔ lona i mi kɔɛ i siturina ame ne, lopia i mi kɔɛ i siwarã ame, fie so ɔɣɔ me sɔ loto lonya kumegɔ i mi kanya ɔe kawɛ, fie miɣe teteree i mi Kristo kafɔkaɔe ame.

Ɔturi Ngbã Ɔduɔu Pia I Mawɛ Ibaragu Kristo Ame.

⁶ Gɔ miofɔ Kristo Yesu le mi Sate ne, mibaragu wũ mawɛ i mi kase ame. ⁷ Mire siɔu i ɔ ame si mitsue mi ngbã misia i ɔ iso. Mi kafɔkaɔe ana si kamɔ le kumegɔ mate mi si miyi ku siba ipɛ.

⁸ Minyɔ so kukaako sɔ kuwɛ iibakpesera mi masande iki i kayiiso inɔgba gu kasɔla siefe ga matsue masia i maturi akisi iso, ɣee siwarã dze nto siɔe kayiiso iso ame. Maitsue ara wagbe masia i Kristo iso. ⁹ Alaso Ƴaa nsegbai gu ɔ kumiamia ɔduɔu pia i Kristo ame ku ɔwi go ɔsi ngbã i sosina ame. ¹⁰ Gɔ mibara mawɛ ku ɔ go nde iti ɔtã siwarã ame sile gu mma nto maɔe iso ɔso ne, mi wũ mi ngbã ɔyi.

¹¹ I Kristo ame ne mise le mma matu sirerɛ, fie iide kɔrɔ masu matu, ɣee mi akpi wa manukutu

mađi mi iso nde sirerẽ dze matu mi i Kristo ame. ¹² Gõ mifo Yaa itupie ne, mabiara mi ku Kristo, ne oso ne, otara mi gu wũ ana alaso mifo Yaa gõ lotara wũ obõregu i makpise ame òle miđe.

¹³ Owĩ gõ lofe ame ne, mikpi i siwarã ame, alaso miđe makpibaradze fie miđe mma loide ma Yudase, ana ne, miiwe Yaa mmara. Yee Yaa otara mi obõ ngbã ame iki i Kristo iso fie òosu bo akpi dudu otse bo. ¹⁴ Yaa onukutu ira biara ne matsere fie ita ixe i bo iso atã bo ipõ i mmara kanya pelepele gõ ope wã omatãra i kudziri iso. ¹⁵ I kudziri iso mmõ ne, Kristo ofõ siwarã lalaa gu mma nto mađe iso i siwarã ame òle iso fie opia ma kunuare i ogbami. Oso isoxõ gu ope itu okõ ma le mma mamõẽ i karpã ame.

¹⁶ Ne oso midaasitã kuwẽ si otã mi mmara i nne miade, xee miane, ayi sekelea, xee Ogbaworeti Yetẽ Iyi ide, xee Iwarãyi iso. ¹⁷ Nwagbe odudu ne, ara wa loaba i katõ okala kere ađe, Kristo momõ nde ngõ loba. ¹⁸ Midaatã kuwẽ si osõsõla mi sõ miabo so karõ i mila ame, xee misõre Yaa makpabo. Mmamõ igbã se makõle so kato maye sõ inya sõ maanya ara i siwarã ame, yee mila miđe, alaso maturi adzuni kere ađe mmõ. Si mikã mmamõ igbã atsue ne, mi korõ iibapegu nne mito minyo ori. ¹⁹ Mmagbe iisimatã i Kristo gõ nde iti iso. Yee ne, iti iso i akui gu sitõbe odudu se mana ađera wa loamõdza ma mabõregu le kumegõ i Yaa se obie.

Ngbã Yetẽ Ise I Kristo Ame.

²⁰ Gõ miokpigu Kristo oso ne, misiina i kayiiso siwarã òle kayirino. Ne oso midaatã matã mi

akisi ɛ mikpese mipia i kayiiso ɔle kayirino.

²¹ Be ɔso makpese mato maɣere mi sɔ daabara nɛgbe, daati nɛgbe anyɔ, ɣee daapegu nɛgbe?

²² Akisi wagbe ɔduɔ pia i ara wa karabara bose bobara aro iso. Maturi akisi gu ara ite kere idɛ.

²³ I sosina ame ne, ite ɛ si ɔturi ɔbo sɔ karɔ ɔte ɔ sosina ɔtile, ɔmɔɛ maturi akisi ɔto teteree ne, inɔgba siare pia i ne ame. Ƴee ara wagbe ibara iise ibuai ɔturi ɔbɔre i ara nyanyarɩa wa nse akpɛ wũ ɔkã ame.

3

¹ Gɔ Ƴaa ɔtara mi gu Kristo ɔbɔregu i makpise ame ɔso ne, mibie ara wa i kato, ngbego i Kristo ɔkpase ɔsi i Ƴaa kuɔearɔ iso. ² Mi adzuni si asia i kato ara iso ne iide kayiiso ara iso, ³ alaso miokpi, fie mi ngbã werɛgu Kristo i Ƴaa ame. ⁴ Mi ngbã mɔmɔ pia i Kristo ame, ne ɔso ɔwi gɔ ɔabɔre kayi ne, mi wũ miabɔregu wũ i ikpawai siare ame.

Miokpese Maturi Ƴete.

⁵ Ne ɔso miɔoe sosina ame ara wa nse akpɛ mi ɔkã ɛ asɔrɔ idɛ, anyanyara ibara, ara nyanyarɩa wa nse akpɛ sosina ɔkã, sosina ɔmerɛ isiai gu kanɔbebe ga lokategu aɣɔ isɔre. ⁶ Alaso ara wagbe ɔso i Ƴaa sikipã aaba i mma loise makã wũ atsue iso ne. ⁷ Ɔwi gɔ lofe ame ne, ngbã meɣbe igbã mise mi wũ ne.

⁸ Ƴee kinio ne, ka minyua ara wagbe ɔduɔ ɔbara. Wã ndɛ sikipã, sikipã lalaa, ituritsiri, fie iikote sɔ sitia, ɣee itsue pɛ kuiwɛ aabɔre mi i kanya. ⁹ Midaasisɔsɔla mi malaa alaso miɔnyua mi ngbã gu nsegbai kuere mise. ¹⁰ Kinio ne,

miosu nsegbai ɣete mipia. Ƴaa to okpesera nsegbai meɣbe miɣete owi biara so miare wũ fie miatsue wũ kukaako ana.

¹¹ I mmɔ kase ne, ikpaki kuiwẽ na i ma Yudase gu mma loiɖe ma Yudase ndẽ, mma lotu sirerẽ gu mma loitu sirerẽ, mafɔ, ngo ano loibusi, osande gu ngo loiɖe osande ndẽ. Mawẽ ka maɖe i Kristo ame fie Kristo pia i ma oɖuɖu ame.

¹² Mi ne, Ƴaa maturi sekelea ma oto oɖɔe fie oɖi ma ose so miɖe. Ne oso misu nsegbai ɣete me loakotegu mi mipia. Me nde ibo inyagu oturi, kayiribielea, karɔ̃iboso, imoẽso ila gu iɣaraso.

¹³ Minɔgu so ara karɔ̃, fie si orere oɣere mi ne, misu mitse wũ le kumego i Bosate osu mi akpi otse mi. ¹⁴ Isu ibua i nwagbe oɖuɖu iso ne, misu kuɖɔe go nse kunyi ira biara kusakanya kukaako mibua iso.

¹⁵ Kristo isobue si iɖe iso i mi situ ame, alaso ne oso makpere mi mabo le mafɔɖedze ikuri ne. Miɖe mma nse mape siba. ¹⁶ Kristo Itɔme Bielea si ina kase i mi situ ame kukaako. Mite so ara si mika so ku iwola wodoroa. Misu sino, mafɔɖedze aka gu siwarã ame aka mipe ala Ƴaa siba i mi situ ame. ¹⁷ Ira biara ne miabara ɣee miaye ne, mibara ne i Bosate Yesu Kristo iyere ame si mipe Bo Ose Ƴaa siba mikigu i ɔ iso.

Kumego Miase Ngbã Ƴete Le Kristo Mafɔɖedze Awe.

¹⁸ Mi marɔ̃go ne, mibo so karɔ̃ mitã mi marã, alaso ngbo lokote itã Bosate mafɔɖedze ne.

¹⁹ Mi marerẽ mi wũ ne, miɖɔe mi mare si miɣara so mitã ma.

²⁰ Mabi, mikã mi maɣese atsue i ira biara ame ala ne nse iɣo Bosate so ne.

²¹ Mabi mase, mi wũ midaapia mi mabi sikipã so nroõ afeẽ ma.

²² Mi maɗabo ana ne, mikã mi karõ iso makɔse atsue i ira biara ame. Iide si mapia i mi kɔre kere so si maɗɔe mi, ɣee mibara mi karabara i onukuare ame le mma nto maware Bosate.

²³ Karabara biara ga mito mibara ne, mibara kã ku mi situ oɗuɗu. Mibara kã le Bosate mito mibara mitã ne iide maturi. ²⁴ Minyigi so mito miafo kaɗekõ le mi kuso, alaso Bosate Kristo mo mo mito mibara karabara mitã. ²⁵ Ara nyanyarã mabaradze ma wũ mato maafɔ ma kuso alaso ɣaa to õatã o biara kuso go õibanyo kuwẽ i katõ.

4

¹ Mi ma nde makɔse ana ne, mila mi maɗabo kukaako si minyigi so mi wũ miba Okɔse i kato.

Ara Wa Lokote So Mafɔɗedze Aala Maɔbara.

² Mila miokparama kayi owi biara, fie si mito mikparama kayi ne, mi adzuni ame si anyo tuee, mila miɔpe ɣaa siba. ³ Ana ne, mila miokparama kayi i bo iti so ɣaa aatã bo ori so boaye Kristo itõme ne lowere ku owio ala ne iti lore i iyo ne. ⁴ Mikparama kayi so loawo Itõme negbe oɣe ikpa waĩ le kumego ikote so loabara.

⁵ Misegu mma loiɗe mafɔɗedze i inogba ame si mibara ori biara go miana karabara kukaako. ⁶ Miɗe ika ku kuware owi biara ame so iale ono si mitsue kumego miatã oturi biara itõme mmuai.

Bomala Mi So.

⁷ Tihiko gɔ nde bo ɔnyii dɔese fie ɔde ɔdabo nukuaresese gu bo ɔlaa i Bosate karabara ame to ɔaxere mi ira biara ne nto me i ngbe. ⁸ Ne ɔso fie loto lopia wũ mi kɔre si ɔapia mi ɔto, ɔxere mi nne nto bo i ngbe ne. ⁹ Ma gu bo ɔnyii dɔese Onesimo gɔ bofo bode fie ɔde mi nde ɔwe to maba maaxere mi ara wa ɔduɔdu nto akele i katɔ ngbe.

¹⁰ Aristarko gɔ i bo gu wũ nre i iyo ɔya mi. Ngbo ame ana i Marko gɔ nde Barnaba ɔnyiiibi ana ɔya mi ne. Maaxere mi koko nne si mibara mitã wũ, ne ɔso si ɔba ne, miware nroɔ si mifo wũ. ¹¹ Yosua gɔ mase marɔ so Yusto ana ɔya mi o-o. Marerẽ ite magbe pe nde ma Yudase fɔdedze ma nyegu me i Yaa sigarakaɔekɔ karabara ame fie mabua maɔe ibuai siare matã me.

¹² Epafra gɔ nde mi nde ɔwe fie ɔde Bosate Kristo Yesu ɔdabo ana ɔya mi. Ɔse ɔkparama kayi teteree ɔwi biara i mi iti so Yaa aatã miya teteree, miɔe mma loɔkpa anɔ, mitsue nne ɔso fie mifo Yaa miɔe, fie miakã wũ atsue pelepele ana. ¹³ Mme mɔmɔ loawo aɔansie ɔde i ɔ iso i karabara teterea ga ɔto ɔbara ɔtã mi gu Laodikea gu Hierapoli maturi. ¹⁴ Bo ɔnyii dɔese Luka gɔ nde kuabaradze gu Dema so maya mi o-o! ¹⁵ Boya bo manyii ma mpia i Laodikea. Boya bo ɔnyiiiko Minfa gu mafɔdedze ikuri ne nse masare i ɔ iyo.

¹⁶ Si mika ɔko gɔgbe miro ne, misu wũ misese mafɔdedze ikuri ne mpia i Laodikea so ma wũ maaka. Ngbo ame ma wũ si masu ma ɔre gɔ mafɔ masese mi si mika ne.

¹⁷ Kawirikõ ne, miyere Arkipo so obara Bosate kasumu karabara ga osu opia wũ i nrõ ame owiri kukaako.

¹⁸ Kaya tsora gagbe ne, mme Paulo momo losu wũ korõ lotsere. Minyigi so lokpese lore i iyo. Yaa abualera si awegu mi.

Ndamu Ḃεε Siwu
Siwu: Ndamu Ḃεε Siwu New Testament

copyright © 2008 Wycliffe Bible Translators, Inc.

Language: (Siwu)

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 21 Feb 2024 from source
files dated 1 Dec 2020

b5020a1a-c7b9-512a-9b46-1e462be571d4